

EXITOSO FESTIVAL ARUBA Y VOZ JUVENIL 1988

ORANJESTAD (IPA) Ayera a tuma lugar den Ballroom di Hotel Concord, e Festival di Aruba y Voz Juvenil di Aruba 1988.

32 cantante a competi, di cual 13 pa juvenil y 19 pa mayor.

Den juvenil a keda apunta 5 cantante pa e jurado, y e clasificadonan a wordo rankea di 5 pa 1 como lo siguiente: Miraila de Cuba, cu e cancion: "El sol sale para todos, cu arreglos di Amado Rosina; Niurca Kock cu e cancion La tristes de un nino, cual

cancion tambe a wordo arregla pa Amado Rosina; Gloria Vega na tercer puesto, cu e cancion Pobre juventud, cu arreglos di Lucio Rivadeneira; Marcia Croes a keda na di segundo lugar cu un cancion na papiamento, arregla pa Daniel Werleman. E promer puesto a bai pa Tonny Schouten, cu e cancion Ben, canta na papiamento, y arregla pa Ivan Quandus. Nos kier a haci un remarque aki, cu nos ta di opinion, cu mester cuminsa trata di usa mas e

sistema internacional di festivalnan di cancion, caminda cu unicamente por participa cu cancionnan cu ta composicion nobo y alaves na papiamento.

Esaki lo ta un estimulo pa nos idioma papiamento, ya cu nos ta cuminsa for di edad joven cu nos talentonan componiendo, y den locual nos tur ta papia. Un di e motibonan cu nos aki na Aruba a keda atras cu Corsow, ta, cu semper nos tabata tin manera un tipo di berquensa pa canta na

papiamento. Ta awor ultimo anjanan, ta biniendo un cambio grandi. Pero cu festivalnan cu cancionnan na Spanjo of Ingles, nos no ta contribui cu esaki.

Despues cu pauze a pasa, a cuminsa cu e cantantenan compitiendo pa e seccion adulto. Nada menos cu 19 cantante a subi, canta tur cu por, pa competi pa e 5 puestonan 1988 y 5 puesto pa 1989. Aki den si, tin cu bisa, cu ta cancionnan original a wordo presenta, aunque cu tin di bisa cu majoria tabata na Spanjo, cu excepcion di un of otro na Ingles of papiamento. No ta cuenta di cu tin cu bai participa na Spanjo, ya cu despues por haci e traduccion. Canta den idioma di bo tera y cu orgullo.

Finalmente, despues di un anochi hopi largo, e decisionnan a wordo anuncia. Pa clasificacion di anja 1988: Srta Erica Giel, cu un cancion di Maybeline Arends Croes, cue titulo di Te amanece, arregla pa Daniel Werleman. Francis Jacobs cu e cancion: Se que me

quieres, composicion propio cu arreglo di Ricardo Garcia. Despues a sigi Chicho Kock cu su propio composicion: "Di con", arregla pa Hildward Croes. Un pabien special na Chicho, kende a demostra cu si por competi y clasifica, cantando den su idioma. Tommy de Cuba a

clasifica cu Suenos, di Ricardo Garcia, y cu arreglos di Ricardo Garcia mes. Long Roy a canta Save our children, cu ta un composicion y arregla pa Hildward Croes.

Pa locual ta clasificacion pa 1989, ta asina aki: Karin Trim cu e cancion Give me love, composicion di Rob Martis, y arreglonan di Pepe Gonzalez. Papito Rafael a canta un cancion di Don Ramon cu e titulo Mujer de mis sueños, arregla pa Franklin Granadillo; Juni de Freitas a canta su propio composicion: "Gracias te doy, arregla pa Franklin Granadillo. Lupe Thomas v/d Linden a clasifica cu e cancion: "Si bo ta corda, composicion di Chicho Kock y arregla pa Victor Mestas. Atrobe un cancion na papiamento ta clasifica y di Chicho atrobe. E otro clasificado di e anochi aki ta e duo Susan y Carlos Lopez, kendenan a canta un cancion di Carlos Lopez, arregla pa Franklin Granadillo, cu e titulo: "Por si regresas a mi."

E organisadornan por mira atras riba un festival exitoso, cu un sala full house. Ambiente di e anochi aki tabata sublime, mientras cu e show mes tabata bon hinka den otro. Nos ta spera cu otro anja, ora cu lo ta 20 anja di e festival aki, por tin un show di caliber asina aki atrobe, sigi lesa pagina 9



Riba e dos, foto nan aki, por mira e cantantenan cu a clasifica den e festival di ayera nochi den Ballroom di Concord Hotel. Pabien na tur, y exito.

